

Cienzswnj Minzcuz Vwnzva Daez-sang Hagseng Yinzvwnz Suyangj

传承民族文化 提高学生人文素养

——河池市金城江区第五小学民族文化进校园活动丰富多彩

□Bonjbawj gicej Veiz Yennaz/韦愿娜

Hozciz Si Ginhcwnzgyangh Gih Daihhaj Siujyoz lai bi daeuj, ciuqei aen yauyin “gouz caen、coengz ndei、gyaez gyaeu”, cizgiz sizcenj aen sonhag lijnen “gvensim moix boux hagseng ndaej cienzmienh cinbu, fatyienh、fazcanj moix boux hagseng dwzcangz”, gaengawq hagdangz fazcanj youhsi, roengzrengz gensez aen hagdangz miz minzcuz daegsaek sonhag ndeu. Hagdangz yawjnaek hong minzcuz conzdungj vwnzva gyauyuz haeuj hagdangz, dawz minzcuz conzdungj vwnzva gyauyuz yungz haeuj gwnz dangz bae, youq ndaw hagdangz gaihcanj moix hageiz hag ciengq diuz go minzcuz ndeu、hag diuq

aen foux minzcuz ndeu、hag guh aen minzcuz yisuz cozbini ndeu、hag lienh aen minzcuz diujuz hanghmoeg ndeu、liujgaij aen minzcuz fungsug ndeu daengj “haj aen it gunghcwnz” hozdung, hawj goq minzcuz vwnzva ndaem rag youq ndaw hagdangz laeglum bae, sawj gyoengq hagseng gyalaez lijgaij minzcuz vwnzva, sawj hagseng gag rox cienzswnj caeuq fazyangz minzcuz vwnzva. 2011 nienz, aen hagdangz ndaej bingz guh buek daih’it daengx guek cungh siujyoz Cunghvaz youhsiu vwnzva yisuz cienzswnj hagdangz. Bi-gvaq, ndaej senj guh swcigih minzcuz vwnzva gyauyuz canggen sifan hagdangz.



▲Hagseng diuq foux minzcuz.



▲Hagseng diuq foux haizgieg.



▲Youq gwnz dangz yinhyoz, lauxsae giethab mbawnda daeuj gangj goq, hawj hagseng liujgaij minzcuz vwnzva.



▲Hagseng diuq foux minzcuz.

“Siengjmuengh Cuzgiuz” Lwgnyez Ndawbya

山村孩子的“足球梦”

Mboengqneix, Bahsih Seiogyaiqbeih dwk ndaej hoenghhdhwd, gicej bae daengz lajmbanj caijfangj ndaej raen, aenvih diuzgen yenzynh, haujlai hagdangz lajmbanj mbouj miz cuzgiuzcangz, hagseng mbouj raen gvaq cuzgiuz, mbouj dik gvaq cuzgiuz. Ngoenzde gicej hawj gyoengq hagseng hwnj liux dangz go cuzgiuz daih’it ndeu, gyoengq hagseng baez daih’it rox cuzgiuz, yienznaeuz mbouj miz cuzgiuzcangz, hoeng, gyoengqde hix cungj angq dwk doxciengj dik giuz, maqmuengh hagdangz hai goq cuzgiuz.

(Vangz Yaubangh)



▲Dava Yauz-cuz Swciyen Banj-swngh Yangh Lung-leiz Siujyoz hagseng angq lienh dik cuzgiuz.

▲Gyoengq lwgnyez Yungzanh Yen Dunghgij Yangh Cangzfungh Siujyoz dik cuzgiuz.

Sanhgyangh:Mehmbwk Cauhnib Cienzswnj Feihvuzciz Vwnzva Yizcanj

三江:“绣娘”创业传承非物质文化遗产

Youq Sanhgyangh Dungcuz Swciyen Dungzloz Myauzcuz Yangh Mbanj-dungzloz, gyoengq mehmbwk leihyungh seizhoengq guh dajsiuq. Gaenh bi daeuj, aen yienh neix gaemmaenh aen seizgei ndei gih raeuz huq dajsiuq minzcuz haifat bangrex hanghmoeg “an’gya”youq mbanj Dungcuz neix, cujciz gyoengq mehmbwk youq ranz cauhnieb, gyoengq mehmbwk mbouj yungh okdou guhhong

hix ndaej demsou, coicaenh le dangdieg minzcuz vwnzva cienzswnj caeuq lijyouz canjbini haifat.

Doz dajsiuq Dungcuz gig gyaendi, saek anggyang, gig miz saedyungh、meijyoz caeuq minzsuz yenzgiu gyaciz. 2008 nienz, gij dajsiuq Dungcuz Sanhgyangh gaenq lied haeuj gih raeuz feihvuzciz vwnzva yizcanj mingzloeg.

(Gungh Bujangh)



▲Dajsiuq Dungcuz ndeiawj raixcaix.



▲Mehmbwk Dungcuz dinfwngz giuj.